

Sra. Monique Labad- Giel

“Mester educa tanto mayor como e hoben riba consecuencianan di uzo di marihuana”

ORANJESTAD- E problematica di droga ta hopi pisa entre hobennan di awendia. A yega asina leu cu nan ta trece marihuana scol, pa uzo personal. Mayoria di biaha, e mayornan ta na altura di esaki y ta tolerante pa cu esaki. **BON DIA ARUBA** a tuma contacto cu Sra. Monique Giel- Labad pa asina haya sa e punto di bista di Wit Gele Kruis over di esaki.

MARIHUANA

Sra. Giel- Labad a splica cu ta bay tin varios charla ariba e uzo di marihuana entre hobennan. Awendia e parti di charla mester ta compaña pa algo visual. Enfoke mas riba kico marihuana ta haci cu bo como persona mes. Si ta papia di parti di mucha muhe, ki ta e dañonan cu esaki ta haci na e baby si e mester sali na estado. Y tambe si bo ta un adulto. Pa e hoben bira

mas consciente riba e uzo di marihuana y su consecuencianan. Mester cuminsa for di jong. Guia mester cuminsa for di jong, for di scol basico of kleuterschool. Tur cos ta depende di con e informacion ta wordo treci dilanti, dependiendo di su edad. Mester tene cuenta cu su edad, basa informacion riba e nivel con e forma con ta duna e informacion, pa e por compronde esaki. E informacion no mester wordo duna un solo biaha, pero mas di un biaha pa aña. Asina e informacion ta keda y ora cu momento presenta, nan sa con pa deal cu e situacion. E problematica di marihuana ta cu hopi hoben ta uza marihuana pa “kita stress”. Mester siña educa e muchanan for di chikito kico ta e consecuencia cu e ta trece cun’e y kico bo ta caba despues cun’e. No ta educa no solamente e mucha,

pero e mayornan tambe.

ENVOLVI E MAYORNAN TAMBE

Mester envolvi mayornan tambe un poco mas. Ultimamente scolnan cu haci charlanan, e mayornan tambe ta wordo envolvi. E marihuana ta mas bien un manera di sali afo pa e hoben. Pero esaki tambe ta bin di e situacion nan cas. Peer pressure tambe ta hunga un rol hopi grandi den e hoben. Aunke gran parti di esaki ta bin di cas. Mayornan mester ta mas consciente. Ora nan bira grandi esaki ta bira hopi mas pio. Un mayor ta un modelo pa un hoben. Y loke e mucha wak den su ambiente di hogar, e ta tuma esaki over y pe esaki ta algo normal y nan ta bin cun’e scol. Paso e ta algo normal pe hoben den su hogar. Marihuana ta un problema hopi grandi bou di hobennan.

CHARLA

Tin ora un charla no ta suficiente. Segun Sra. Giel- Labad, e mayor no mester laga tur cos na e charla so. Ora di charla den bario, bo por conta cuanto ta e hoben y su mayornan cu ta presenta na e charla. Pero durante un anochi di informacion pa mayor, bo ta haya gran cantidad di mayor presente y asina e base ta mas amplio. Sigui riba e tema aki, no laga esaki pasa asina no



mas. Crea un combersacion cu bo yiu. Tur caminda esaki ta posibel. Y ora cu e mucha ripara esaki, e mucha lo habri mas pe mayor y lo confia e mayor mucho mas. Mayornan mester ta mas abierto pa cu nan yiu. Abo como mayor mester duna bo yiu e confianza pa e yiu por conta cu su mayor den cada caso.

PEER PRESSURE

Awendia e peer pressure tambe ta hunga un rol importante den uzo di substancianan prohibi. Peer pressure ta pone e hoben bay over na haci algo

cu normalmente e lo no haci, pero e gana pa haya aceptacion bou di amigonan ta asina grandi, cu e hoben lo haci kico cu ta pa wordo acepta. Incluso uza droga. Problemanan social tambe ta pone cu e hoben ta bay over na uzo di marihuana pa “chill”, pa lubida nan problemanan.

Pero e hoben mester ta consciente cu despues di cu e efectonan di marihuana pasa, e problema ainda ta keda persisti. E problema no ta bay niun caminda. □

